

重訂唐詩鼓吹箋注

函一
十冊
函

序

蓋當世著作之林亦甚衆矣然余常
謂非其人不可以立言者寧以此概
天下士亦慎重乎其事之辭也在昔
好學深思之士不得已而寓之於言
必有補苴六經裨益人世以繼往開

來然後畱諸不朽否則搯觚擲管奚
爲哉吾於同學天忱朱子而重有感
矣天忱當束髮時文章氣誼已冠吳
下與余同庠爲郡博士弟子員執幟
登壇所遇辟易同人咸退避三舍小
試必輒冠軍圍戰則屢經首薦其所

以去天尺五者數耳繼令兄天敘與
余同登庚戌春闈余雖倖叨一第而
天敘花磚鈴索間亦推學士風流然
較我天忱之五經腹笥在余深愧駑
馬先之矣壬子秋余

命典北闈志期遴選名作璧經其得十

二卷內爲同事抑去其一及發榜後
知爲天忱卷也自此撫膺扼腕嘆爲
終身之憾豈天之所以限才人者諉
云有命耶夫南池之翼萬里豫章之
木千尋勢非高遠積厚使然有天忱
之孝友純至而又有問學無所不究

經濟無所不該言論風采動臻往哲
以彼其才寧有絀于此而不伸于彼
者故三至長安一時紙貴仙人飛鳥

才子看花遂膺民社主司牧俾三善
三異之政與神君慈父之稱徧于銅
鞮漳沁而最績直達

宸聰行將不次之擢以展其猷爲宜也
非適也所可異者尼父燕居則刪述
虞卿窮愁乃著書我天忱以案牘勞
形之際獨能鳴琴賦詩手不釋卷寧
特竹書石記枕籍忘疲載司空之甘
乘補河東之三篋而已哉卽究心詩

歌罔不探微校贖古自栢梁建安以
來律自貞觀天寶而下咸有以挾其
髓奧而証其指歸如唐詩鼓吹一集
此固遺山選之於前郝廖註之於後
又得虞山諸君子參酌而考訂之可
謂盡善矣而猶未也天忱乃復取而

校讐焉凡註題註人未詳者悉從史
傳查考補備引書引人舛謬者皆有
標舉駁正而無滲漏至於每篇之中
必有起伏照應引興托喻不獨美人
芳艸風雲月露蟲魚禽卉之爲生動
也實有忠愛惻怛憂愁困苦而發於

不得已者焉天忱體會發明句解聯
釋使作者之心靈呼之欲出苟非夙
昔之功候底于精熟融化疇能若是
余纂修之暇精采稽亂戊辰冬天忱
赴部補銓枉視過余余時以病足休
沐緬思良友適慰調飢而又得攜是

編見示流覽尋繹令人握之不置有
踰趙璧翫之不足同於玉枕嗟乎使
天忱早陟清華之選著作承明之廬
以備

聖天子之顧問必將賡颺拜手進卷阿
喜起之歌以攄忠愛惻怛而廼僅以

名山之業傳也豈足盡天忱哉余方
拭目俟之矣雖然卽以茲帙觀之使
唐人洗發面目而後代藉爲津梁者
功將焉歸是爲序

昔

康熙戊辰仲冬年家弟徐乾學拜撰



東岳艸堂評訂唐詩鼓吹目錄 悉照原本

卷第一 五十六首

柳子厚 一十首

劉禹錫 一十五首

許渾 三十一首

卷第二 五十五首

薛逢 二十二首

韓偓 一十九首

王維 八首

高適 一首

岑參 一首

張說 二首

耿漳 二首

卷第三 六十四首

陸龜蒙 三十五首

包佶 一首

鮑防 一首

皇甫冉 七首

郎士元 三首

羊士諤 一首

竇常 一首

竇牟 一首

楊巨源 一十四首

卷第四 六十九首

曹唐 一十八首

宋邕 一十一首

李益 二首

賈島 一首

章碣 二首

李頻 一首

杜荀鶴 一首

崔顥 一首

李頎 二首

趙嘏 八首

崔塗 三首

李郢 一十首

韋蟾 一首

薛能 四首

秦韜玉 四首

卷第五 五十九首

劉滄 四首

劉威 一首

曹松 二首

崔魯 四首

張祐 一首

顏萱 一首

皮日休 二十二首

張賁 一首

羅鄴 四首

錢起 一首

盧綸 五首

司空曙 三首

陳羽 二首

戴叔倫 一首

李嘉祐 五首

姚鵠 一首

卷第六 五十九首

杜牧之 三十二首

高駢 六首

王初 七首

崔峒 一首

朱灣 一首

呂洞賓 一首

吳融 一十一首

卷第七 五十八首

李商隱 三十四首

溫庭筠 一十首

劉長卿 一首

李德裕 一首

李紳 一首

紀唐夫 二首

陳上美 一首

來鵬 二首

鄭準 一首

章八元 一首